

Oromo - Soldiers Scriptures

Efesooniitti 6:10-18

- 10 Kanaa achi, gooftaatti humna isaa isa aangoo-qabeessattis jabaadhaa.**
- 11 Haxxummaa Seexanaatiin mormuu akka dandeessanitti, mi'a lolaa isa kan Waaqayyoo guutummaatti hidhadhaa!**
- 12 Nuyi namoota foon uffatanii wajjin wal'aansoo wal qabna miti; garuu humnoota aboo qabanii fi gooftummaa qaban, warra bantii waaqaa keessa biyya lafaa isa dukkana keessa jiru kana seerratan, macca hafuurota hamminaa warra bantii waaqaa keessa jiraatanii wajjin wal'aansoo wal qabna.**
- 13 Kanaaf guyyaa hamaa sanatti mormitanii ittiin qabuu, mi'a guutummaatti hidhattan sanaanis lolatti dhaabachuu akka dandeessanitti, mi'a lolaa isa kan Waaqayyoo fudhadhaa!**
- 14 Egaa akka nama sabbataan hidhatuutti dhugaadhaan mudhii keessan jaboeffadhaa, qajeelummaas akka maddaa sibiilaatti uffadhaatii dhaabadhaa!**
- 15 Akka nama kophee kaa'ateettis wangeela nagaa fudhantanii, isa lallabuudhaaf qophaa'aa!**
- 16 Kana hundumaa irrattis amantii akka gaachanaatti fudhadhaa! Isaan xiyya isa hamaa sanaa, warra boba'aa adeeman dhaamsuu in dandeessu.**
- 17 Fayyina akka gonfoo-sibiilaatti, sagalee Waaqayyoos akka billaatti, hafuura qulqulluu biraan fudhadhaa!**
- 18 Kadhataa fi himata keessan hundumaa keessatti yeroo hundumaa hafuuraan geggeeffamaatii kadhadhaa! Egaa kadhachuutti dammaqaa, obsaanis itti jabaadhaa, warra Waaqayyoof qulqullaan hundumaafis kadhadhaa!**

Psalms 91

- 1 Namni golgaa isa hundumaa gararraa jiru keessa jiraatu, gaaddisa isa hundumaa danda'uu jala in buufata;**
- 2 Waaqayyoon, `Ani sitti kooluu galeera, ati masaraa koo ti; ati Waaqayyo koo isa ani amanadhuu dha' in jedha.**
- 3 Waaqayyo, kiyyoo namni siif kaa'e, dha'icha nama balleessu irraas si oolcha;**
- 4 harka isaatiin si golbooba, bobaa isaa jalatti kooluu in galta, amanamummaan isaa gaachanaa fi marsaa siif in ta'a.**
- 5 Wanti halkan nama sodaachisu, xiyyi guyyaa namatti gad dhiifamus si hin sodaachisin!**
- 6 Dha'icha dukkanaan namatti dhufu, dhukkuba adeemaa saafaa nama balleessus hin sodaatin!**
- 7 Kumni tokko si bukkeetti kumni kudhanis gara mirga keetti yoo kufan**

- iyyuu, wanti namatti dhufu kun sitti hin dhi'aatu;
- 8 ati garuu ija keetiin ilaalte, gatii warra jal'ootaaf baafamu in argita.**
- 9 Ati, `Yaa Waaqayyo, ati isa ani kooluu itti galuu dha' jetteetta; isa hundumaa gararraa jirus iddo kooluu itti galtu godhatteetta.**
- 10 Wanti hamaan sitti hin bu'u, dha'ichis mana keetti hin dhi'aatu.**
- 11 Karaa ati adeemtu hundumaatti, akka si eeganiif ergamoota isaa siif in abbooma;**
- 12 miilli kee dhagaatti akka hin buuneef, isaan harka irratti si baatu.**
- 13 Ati leencaa fi mar'ataa irra in ejjetta, leenca saafelaa fi jawwee in dhidhiitta.**
- 14 Waaqayyo immoo, `Sababii inni na jaallatee anatti maxxanuuf, ani isa nan oolcha; waan inni maqaa koo beekuufis, eegumsaan ol isa nan qaba.**
- 15 Inni ana in waammata, anis deebii nan kennaaf, yeroo rakkinaatti isaa wajjin nan jiraadha, achi keessaa isa nan baasa, ulfina akka inni argatus nan godha.**
- 16 Bara dheeraadhaan isa nan quufsa, akka ani fayyisus isa nan argisiisa' in jedha.**

Psalms 18

- 1 Yaa Waaqayyo aangoo ko, ani sonaan sin jaalladha;**
- 2 Waaqayyo kattaa koo, masaraa koo, oolchaa koo tis; Waaqayyo koo da'oo dhagaa isa ani kooluu itti galuu dha; gaachana koo, isa akka gaanfaa fayyina koof faccis, iddo dhokanna koo isa ol jedhaa dhas.**
- 3 Waaqayyoon isa jajamaa nan waammadha, inni immoo harka diinota koo na oolcha.**
- 4 Hidhaan du'aa na marsan, dha'aan bishaan badiisaas na naasise;**
- 5 hidhaan qilee na xaxan, furgaasaan du'aas na qabate;**
- 6 rakkina koo keessatti Waaqayyoon nan waammadhe, gargaarsaaf Waaqayyo koottan iyyadhe; inni immoo mana qulqullummaa isaa keessaa sagalee koo dhaga'e, isa duratti gargaarsaaf iyyuun koos gurra isaa bira anaaf ga'e.**
- 7 Yommus lafti rom'itee tochoote; sababii aariin isaa boba'eefis, hundeen tullootaas immoo hurgufamanii raafaman;**
- 8 funyaan isaa keessaa aarri in yaa'e, afaan isaa keessaas ibiddi xaph godhu in ba'e; barbadaan giimiin isa biraa in boba'e.**
- 9 Inni bantiiwwan waaqaa gugguufsisee gad bu'e, duumessi gurraachi dukkanaa'aan miillan isaa jala ture.**
- 10 Inni Kiruub irra taa'ee in balali'e, baalleewwan qilleensaatiinis shuf jedhee dhufe;**
- 11 naanna'aa isaa dukkanni akka golgu godhe, duumessa dukkanaa'aa bishaan keessa guutes godoo isaa in godhate.**
- 12 Calaqqisa fuula isaa dura jiru keessaa immoo, dhagoonni cabbii fi barbadaan ibiddaa, tarsasanii duumessicha keessa in ba'an.**

- 13 Waaqayyo bantiiwan waaqaa keessaa qaqaawweessa'e, aabba inni hundumaa gararraa jirus *dhagoota cabbii fi barbadaa ibiddaatiin* sagalee isaa in dhageessise;**
- 14 inni xiyya isaa gad dhiisee diinota bittimse, balaqqeessa bakakkaatiinis gara itti goran isaan in wallaalchise.**
- 15 Dheekkamsa keetiin yaa Waaqayyo, rukuttaa aara funyaan kee keessaa ba'etin, maniin bishaanotaa in mul'atan, hundeewwan biyya lafaas qullaatti in baafaman.**
- 16 Inni ol gararraadhaa gad hiixatee na qabe, bishaan gurguddaa keessaa harkissee na baase;**
- 17 inni harka diina koo isa jabaa, akkasumas harka warra na jibbanii humnas na caalanii na oolche.**
- 18 Yeroo rakkinni ana irra ga'etti isaan ana irratti lafa dha'an, Waaqayyo garuu irkoo koo ture;**
- 19 inni gara iddo bal'aatti na baasee, waan anatti gammadeef na oolche.**
- 20 ¶ Waaqayyo akka qajeelummaa kootti kana anaaf godhe, akka qulquolina harka koottis dugda anaaf deebise.**
- 21 Ani karaa Waaqayyoo duukaa bu'eera; jal'inaanis Waaqayyo koottii gargar hin baane.**
- 22 Wanti isa duratti qajeelaa ta'an hundinuu fuula koo dura turan, seerrata isaa hundumaas of irraa hin bunne.**
- 23 Ani balleessaa maleen isaa wajjin ture yakka hojjechuuttiis of nan eeggadhe.**
- 24 Waaqayyo immoo akka ani qajeelaa ta'e mul'adhetti, akka harki koo ija isaa duratti qulquluu ta'ee argamettis, dugda anaaf in deebise.**
- 25 Nama gaarummaa argisiisutti, atis gaarummaa in argisiifta; nama hin balleessinetti, atis itti hin balleessitu.**
- 26 Isa of qulleessutti, ati ofii keetii qulqulla'aa ta'uu kee in mul'ifta, nama micciiramaa immoo akka micciiramummaa isaatti qabuu kee itti in mul'ifta.**
- 27 Ati saba gad qabamaa in oolchita, warra mataa irra-keessa qabatanii adeeman immoo, lafa in ilaalchifta.**
- 28 Yaa Waaqayyo, ibsaan koo haleelee akka ifu in goota, yaa Waaqayyo gooftaa ko, dukkana koo in ibsita.**
- 29 Eyyee, ani siin kutata loltuu diinaatti nan bu'a, Waaqayyo kootiin gelaa irra iyyuu nan utaala.**
- 30 Waaqayyo kun karaan isaa mudaan hin qabu, dubbiin isaa dhugaa ta'uu isaa amansiiseera; Waaqayyo warra isatti kooluu galan hundumaaf gaachana.**
- 31 Goofticha malee Waaqayyo eenyu ree? Waaqayyo keenya malees kattaa jabaan eenyu ree?**
- 32 Waaqayyo kun, isa mudhii koo humnaan hidhachiisee isa karaan koo mudaan akka hin qabaanne godhee dha;**

- 33 miilla koo ariifataa akka miilla biichee anaaf godhe kaarra gubbaas ana dhaabachiise;**
- 34 irreen koo iddaa sibiila diimaa akka dabsutti, inni harka koo lola in barsiise.**
- 35 Gargaarsa kee gaachana gootee anaaf laatte, harki kee mirgaas ana in hirkise; anatti gad dhi'aachuun kees na guddise.**
- 36 Tarkaanfii miilla kootiif na jalatti iddo bal'aa anaaf laatte, gulubiin koos ana jala gara hin galle;**
- 37 ani diinota koo ari'ee isaan nan qaqqabe, hamma isaan dhumanittis ani gara booddeetti hin deebine.**
- 38 Akka isaan deebi'anii hin kaanetti immoo, ani rukutee isaan nan caccabse, isaanis miilla koo jalatti in kufan.**
- 39 Ati lola sanaaf mudhii koo humnaan hidhachiifteetta, warri ana irratti ka'anis na jalatti akka gombifaman in goote.**
- 40 Ati diinonni koo dugda duuba deebi'anii akka na baqatan goote, ani immoo warra na jibban nan balleesse.**
- 41 Isaan gargaarsaaf iyyan, garuu tokko illee kan isaan gargaaru hin turre, gara Waaqayyootti iyyan, inni garuu isaaniif hin deebifne.**
- 42 Akka awwaara qilleensi fudhatuutti ani caccabsee isaan nan bulleessa, akka dhoqees karaa keessatti isaan nan dhooba.**
- 43 Ati saba wal lolu keessaa na baaftee, saba warra kaaniif mataa akkan ta'u gooteetta; namoonni saba ani hin beeknees anaaf in hojjetan.**
- 44 Waa'ee koo gurrumaan dhaga'uudhaan anaaf abboomaman, warri ormaas gugguufaa gara koo in dhufan;**
- 45 ijooleen ormaa in dadhaban, rom'aas iddo cufatanii taa'an keessaa ba'an.**
- 46 Waaqayyo jiraataa dha! Kattaan koos jajamaa dha! Waaqayyo fayyina kootiis ol ol haa qabamu!**
- 47 Waaqayyo inni ijaa baasuu anaaf kenne, saba lafa irraas harka koo jala galche;**
- 48 harka diinota kootii keessaa immoo na baase; eyyee, ati warra ana irratti ka'an gararraatti ol na qabdeetta,namoota humna anatti argisiisan harkaas na butatteetta.**
- 49 Kanaaf yaa Waaqayyo, ani saba hundumaa keessatti sin jajadha, faarfannaal galataatiinis maqaa kee nan faarfadha.**
- 50 Mootii isa kan isaatiif fayyina guddaa isa kenu, gaarummaa isaa isa ofii isaatiif dibetti, Daawitiif sanyii isaattis bara baraan isa argisiisu, Waaqayyo faarfachuu koo ti.**